

## ARTICULUS III.

QUID JURIS CIRCA SERVITUTES PERSONALES, USUMFRUCTUM, USUM, HABITATIONEM?

Dicuntur personales, quia personæ concessæ, utpote cui immediate ex illis obvenit utilitas, adeoque exspirant cum persona, secus ac in servitutibus realibus accedit, quæ, cum prædio debeantur, etiam cum prædio ad quemlibet possessorem transeunt. Etsi vero ususfructus, usus, habitatio servitutes personales sint dicta ratione; respectu tamen rei in usumfructum, usum, habitationem concessæ vera sunt jura realia, quæ personam respiciunt, cumque hac intereunt; dubium enim non est, posse jus reale ad certum tempus, dies vite concedi, exemplo dominii revocabilis.

83. Dico I. Ususfructus est jus alienis rebus utendi, fruendi, salva earum substantia. Inst. pr. h. t.

Dicitur 1<sup>o</sup>. *Jus*, scilicet reale firmum et stabile, quo differt ab usu facti, tam facti puri, sive mera utendi licentia, quam non puri, sive juris exercitio, et rei usurpatione actuali.

2<sup>o</sup>. *Utendi*, per quod a jure pignoris et depositi distinguitur; his enim non licet uti, sique depositarius, vel pignorarius utatur re, per se loquendo ad aestimationem usus tenetur.

3<sup>o</sup>. *Fruendi*, quo rursum differt a jure utendi tantum; nam usufructarius omnes rei fructus percipit, secus ac usuarius, ut paulo post dicetur. Fructus in fundo sunt, foenum, segetes, item metalla, quæ crescunt in fundo; non tamen thesauri. In sylvis cæduis potest se gerere ut prudens patræfamilias cædendo quotannis congruam portionem, sed tantum pedamenta et ramos, non grandiores arbores, nisi valde annosas et inutiles. Ex sylva non cædua potest sumere in vineam, modo fundum non faciat deteriorem. De arboribus vi ventorum e. g. evulsis potest tollere usque ad suum et villæ usum, non tamen uti materia, vel trunco integrō, si habet unde lignum accipiat; alias et materiam succidere potest, quantum ad villæ refactionem, quin teneatur hoc casu substituere alias. Quod si vero arbores pomiferæ sint, iis quoad materiam uti non potest, nisi essent emortuæ, tuncque ea lege, ut earum loco plantet alias, L. 7. 9. 10. 12. 59. ff. h. t. Porro in animalibus fructuum nomine veniunt, lac, pili, lana, fœtus, pretium locationis, etc. Verbo potest ea agere, removere, sine quibus ususfructus esset inutilis, L. 30. ff. eod.

Dominum tamen fructum non ante acquirit, quam fuerint debite separati. Separantur vero tripliciter: alii *natura*, ut partus animalium; alii *facto hominis*, excutiendo, metendo, etc.; alii *per accidens*, ut si poma sponte decidunt, excutiantur a vento. Fructus primi generis, partus editi ipso facto sunt fructuarii, L. 28. ff. de usur. et fruct. in pecud. fruct. Secundi generis sunt fructuarii, cum ab ipso, vel alio ejus nomine fuerint separati, licet nondum abducti domum. Postremi non nisi quando eos collegerit. Idem est de fructibus separatis a fure, et apud hunc adhuc detentis. L. 13. ff. Quibus modis Ususfr. vel Usus amitt. L. 12. §. si fur. ff. h. t.

4<sup>o</sup>. *Rebus alienis*; etsi enim etiam e re nostra fructus percipiamus, hoc

tamen jure proprietatis et dominii sit, non servitus. Unde hoc sensu ususfructus pars dominii, pleni scilicet, dicitur. L. 4. ff. h. t.

5<sup>o</sup>. *Salva earum substantia*, quia fructuario non licet deteriorem reddere rem fructuarium, ideoque illi cautio praestanda est. Hinc et sequitur usumfructum *proprie talem* constitui non posse in fungibilibus rebus, sive quæ ipso usu consumuntur, ut sunt vinum, frumentum, pecunia, vestimenta, etc. Cui non obstat L. 9. ff. Ususfr. quemadmodum cav. qua videtur etiam vestimentorum posse proprium usumfructum constitui; nam illa lex intelligenda est de vestimentis *lugubribus et scenicis*, in quibus, cum rarior eorum usus sit, potest verus ususfructus constitui. In fungibilibus vero plerisque non nisi improprie talis. §. 2. Inst. de Usufr.

84. Dices: Sic ususfructus nondum satis distinguitur a multis aliis juribus, 1<sup>o</sup>. ab emphyteusi; nam etiam haec est jus utendi, fruendi rebus alienis, salva earum substantia. 2<sup>o</sup>. Nec a feudo ob rationem eamdem. 3<sup>o</sup>. Nec a jure, quod habet maritus in rebus dotalibus. 4<sup>o</sup>. Nec ab eo, quod habet hæres fiduciarius in fideicommissio.

R. N. Ant. Ad 1<sup>um</sup>. D. Emphyteus est jus utendi, fruendi eodem modo, quo ususfructus N. diverso C. Emphyteuta habet dominium civile et utile cum potestate rem possidendi, locandi, oppignorandi, eique actio realis, vindicatio competit; potest constituere servitatem. Nihil horum habet usufructarius, sed tantum actionem *confessoriam*. Item emphyteus potest transire ad hæredes, non ususfructus, velut personæ ossibus inhærens, cumque hac exspirans, arg. L. 126. de R. J.

Nec obstat, quod in constitutione ususfructus addi possit, ut ad hæredes transeat: nam hoc casu (quo quidem non nisi ad hæredem primum pervenire permittitur, L. antiquitas. 14. C. h. t.) duplex ab initio ususfructus fuisse constitutus censemur, alius nimirum defuncti, alius hæredis, L. 38. ff. de V. O.; proinde ad hæredes non transmissionis jure, sed substitutionis pertinebit.

Ad 2<sup>um</sup>. Eadem est responsio, quam amplius colliges ex ipsa feudi natura, de qua sequenti capite.

Nec dicas: Etiam fructuario utitur subinde jure domini, ut ubi agitur de damno infecto, de aqua, pluvia arcenda. Item feendum in jure vocatur aliquando ususfructus; nam

R. D. 1<sup>um</sup>. Utitur jure formaliter, nomine proprio N. procuratorio C. D. etiam 2<sup>um</sup>. Feendum vocatur ususfructus purus N. mixtus, sive conjunctus cum dominio C.

Ad 3<sup>um</sup>. Etiam maritus, dispositione juris, est civilis rerum dotalium dominus, et in jure notatur tanquam exceptio a communi regula, maritum non posse dotem alienare, licet dominus sit, Inst. Quibus alienare licet, vel non. Igitur et hic non habet usumfructum simplicem, sed sub ratione dominii, cui proinde a jure dotis vindicatio tribuitur.

Ad 4<sup>um</sup>. Fiduciarius est vere dominus rei fideicommissio obnoxiae; est enim hæres directe institutus, in quem jus suum omne testator transfert; et contra hæres fideicommissarius est tantum substitutus; ac licet fiduciarius huic debeat hæreditatem restituere, non tamen acquirit fideicommissarius jus absolutum, antequam fiduciarius hæreditatem audeat; quin si hic adire

nolit, evanescit regulariter fideicommissum : deinde non ideo ait L. 66. ff. de R. V. minus recte quid nostrum esse vindicabimus, quod abire a nobis dominium speratur, si conditio libertatis, vel legati constiterit.

Nec obstat, quod L. 3. C. Commun. de Legat. §. sed quia, dicantur fideicomissa esse aliena; nam ex contextu patet, hoc dici respectu futura alienationis ex obligatione faciendae; ac statim additur, ideo non posse prius alienari, quia fiduciarius ea non pure, h. e. pleno omnino jure in suis bonis possidet.

83. *Dico II.* Obligationes usufructuarii sunt sequentes : 1º. Tenetur præstare cautionem, se usurum, fruiturum arbitratu boni viri, L. 6. ff. de Usufr. et finito usufructu se restituturum, L. 4. ff. Ususfruct. quemadmodum. caveat ; ea enim cautione non posita, post factam a proprietario interpellationem fructuarius non facit fructus suos, quia tunc causa ad non causam reducitur, id est, titulus percipiendi fructus rescinditur, et dominus pleno quasi jure sibi rem vindicat, L. 7. ff. eod. Ab hac tamen cautione excipitur 1. pater quoad bona adventitia filii, in quibus usumfructum habet; enim, quam causam reddit L. fin. §. sin autem. in fine. C. de bon. qua liber., paterna reverentia excusante et a ratiociniis, et a cautionibus, et ab aliis omnibus, que ab usufructuariis extraneis exiguntur. 2. Cui usufructus absolute proprietas ex die legata est, L. 9. §. plane ff. tit. cit.; cum enim proprietas ipsa ad eum per ventura sit, ipsius interest, quomodo in usufructu versetur. Remitti etiam potest ea cautio, si inter vivos usufructus constitutus sit; suo enim privato favori renunciare ac præjudicare quisque potest, L. penult. C. de Pact.; non vero, si in ultima voluntate, L. 7. C. ut in possess. legat., quia in favorem heredis cautio haec a lege introducta est, L. 8. ff. de Usufr. ear. rer.; eo quod talis remissio delinquendi occasionem præbeat, remque usufructuariam in fraudem heredis dissipandi. Quod si igitur nihilominus fuerit a testatore remissa, pro non scripta, et invalida habenda est.

2º. *Tueri rem, ne deterior fiat.* Hinc nequit cädere arbores non cæduas; tenetur emortuarum loco (uti et vitium) novas substituere, non tamen vento evulsarum: sarta tecta conservare, L. 32. juncta 3. ff. Ususfruct. quemadmodum. cav. Ut debet servitutibus, si quæ fundo debentur, ne non usu percant, L. 13. §. ult. ff. h. t.; interpellare usucaptionem, secus, ad rei usucaptionem estimationem tenebitur, L. 4. §. ult. ff. Usufruct. quemadmodum. cav. Si habet usumfructum gregis, vel armenti (grex vero non dicitur infra 10. capita) in locum demortuorum, vel inutilium capitum tenetur substituere ex foetu alia, quæ, quoad substantiam, cedunt in dominium proprietarii. Si tamen non gregis collective, sed singulorum capitum constituatur usufructus; tunc sicut usufructus rei fructuariae finitur interitu, quin usufructuarius teneatur substituere rem novam, ita et hic.

3º. *Præstare onera,* sub quorum obligatione usumfructum habet : facere inventarium: solvere æs alienum a testatore contractum juxta proportionem, si usumfructum in certa hereditatis portione legatum accepisset; etiam omne, si omnium bonorum usumfructum. Non tamen ad hoc tenebitur, si legatum accepisset in re certa et singulari, ut in fundo Semproniano, L. fin. ff. de Usu et usufr.

86. *Dico III.* Constituitur usufructus 1º. ordinatione legis; unde usufructus hic cognomento legalis dicitur. Talis est, quem habet pater in bona adventitia filii. 2º. Conventione, velut emptione, venditione, stipulatione, donatione, pactione quacumque; et conventionalis appellari solet. 3º. Ultima voluntate, nimirum legatione. Neque quidquam officit, quod in plerisque juris textibus quasi legati tantum usufructus fiat mentio; nam hoc exempli tantum fit gratia; exempla vero regulam non restringunt, sed illustrant. Deinde hoc fit ratione initii et causæ impulsivæ, quod scilicet legato quasi usufructu, primum cogitari coepit de tali usufructu actu inter vivos, conventione constituendo.

*Finitur* 1º. lapsu temporis, si fuerit in diem constitutus. 2º. Non utendo, juxta Art. præc. de servitutib. 3º. Morte naturali fructuarii, L. 3. §. ult. ff. Quib. mod. Usufr. amitt. qua simul datur ratio; eo quod personæ cohæreat. Si vero concessus fuerit personæ fictæ, quæ nunquam moritur, ut est civitas, Ecclesia, locus pius, communitas, lapsis 100. annis finitur, L. 8. ff. de Usu et Usufr. legat. L. 58. ff. de Usufr. 4º. Morte civili fructuarii, sive per diminutionem capitis, non quidem nunc minimam, uti olim, sed tantum medium et maximam. Est vero diminutio capitis mutatio status, eaque triplex: minima, cum quis retenta civitate et libertate familiam tantum amittit; media, cum quis solo civitatis jure, non libertate privatur, uti deportatus, vel cui igni et aqua interdicitur; maxima, cum quis civitate simul et libertate privatur, ut reus capitis, damnatus ad metalla, vel bestias, libertus ob ingratitudinem revocatus ad servitutem, ac moribus hodieris damnatus perpetuo ad carceres, vel triremes. 5º. Præscriptione juxta Art. super. 6º. Cessione fructuarii. 7º. Consolidatione, quando reddit ad proprietarium, vel ad fructuarium proprietas. 8º. Per professionem religiosam in Religione bonorum stabilium incapaci, ut est ordo FF. Minorum de observant. Capucinorum, Societas Jesu, quæ suis Professis et Coadjutoribus post emissâ publicâ vota non succedit.

Gemina hic controversia se offert : 1º. Quid si habens usumfructum profiteatur in Religione bonorum stabilium et redditum capaci, an tunc usufructus amittitur? 2º. Quid si habens usumfructum, hoc cesserit ante professionem, postque hanc, deserto Ordine, transeat ad unam ex toleratis in Imperio religionibus, Protestantes, an usufructu rursum gaudet? Sed primam dabit Artic. seq. Alteram ex iis, quæ de feudo dicentur, colliges ex paritate rationum.

87. *Dico IV.* Usus, scilicet juris, sive, ut est servitus personalis, est jus utendi tantum re aliena, salva ejus substantia. §. 4. Inst. h. t. L. 2. pr. ff. h. t.

Dicitur 1º. *jus utendi*, id est, jus, reale scilicet et firmum, ex aliena re sumendi tantum, quantum quis præcise necesse habet, ad sui suorumque sustentationem. Hinc 1. nequit usuarius fructus transmittere ad heredes, usum vendere, donare, locare; nisi alioquin usus foret inutilis. 2. Si pecora habet in usu, potest illis solum uti ad stercorandos agros, labores; foetu autem, lana, lacte, ac similibus fructibus industrialibus, non nisi ad necessitatē summam uti potest, L. 12. §. 2. h. t.; naturalibus aliis vero ad usum quotidianum. 3. Si domum in usu habet, illam inhabitare potest cum

familia tota , etiam agnatis , affinibus , etc. etiam inquilino in iisdem cubiculis , L. 2. et seqq. ff. h. t.; seorsim tamen illa locare prohibetur.

Dicitur 2º. *Salva rei substantia*; debet enim , ut usufructarius , rem servare integrum , præstare cautionem. Cæterum constituitur et finitur iisdem , quibus unusfructus modis.

*Usus facti* vero ipsa actualis rei usurpatio est. Circa hunc vehemens olim orta disputatio PP. Franciscanos inter et Doctores alios , sitne usus facti separabilis a dominio in iis quæ unico usu consumuntur , ut sunt esculentæ , potus , etiam pecunia , quæ usu saltem moraliter consumitur? Affirmabant priores , hodieque tueruntur , sibi non nisi merum usum facti esse ; dominium vero penes Sedem Apostolicam existere , responde quidem illud olim JOANNE XXII., sed resumentibus illud JOANNIS successoribus , MARTINO V. NICOLAO V. , PAULO II. et IV. etc. ut proinde nunc extra litem posita sit ea controversia , neque operæ pretium eidem immorari.

88. *Dico V.* Habitatio est jus inhabitandi aedes alienas , salva earum substantia , sive per se , sive per alium. Est communis omnium.

Differt 1º. ab *usufructu* , quia habitatio præcise confert commodum inhabitandi ; unusfructus vero commoda alia quæcumque continent , agri , vineæ , etc., in quibus constitui unusfructus potest.

Differt 2º. ab *usu varie* , ac quidem 1. *Subjecto* ; habitatio enim tantum in ædibus constitui potest ; usus etiam in prædio rustico. 2. *Modo amittendi* ; usus non utendo et capitis diminutione perit , pr. Inst. h. t.; habitatio vero horum neutro amittitur , sed tantum morte naturali , L. 10. in fin. pr. ff. h. t. Ratio discriminis est , quod habitatio constituatur sic , ut habitet quoties ipsi commodum , et quamdiu commodum fuerit : at evenire potest , ut modo sit commodum , modo non ; unde in hac servitute toties dies cedit , quoties habitare est commodum , etsi non habitaverit ante : quoad alterum ; quia sicut legatum alimentorum , sic neque hanc servitutem voluerint leges alligare personæ ; sed computare inter alimenta , quæ juris naturalis sunt. 3. *Effectu* ; usus seorsim locari non potest , §. 3. Inst. h. t.; habitatio autem potest , L. 13. C. de Usufr. Unde dictum : *vel per se , vel per alium*.

#### ARTICULUS IV.

##### AN USUFRUCTUS CONSOLIDETUR CUM PROPRIETATE PER PROFESSIONEM RELIGIOSAM IN RELIGIONE BONORUM STABILIJM ET REDITUUM CAPACI?

Controversia procedit solum de professione , quæ in ea fit Religione , que est capax bonorum et redditum stabilium; si enim capax eorum Religio non sit , explorati juris est , amitti tunc unusfructum eumque consolidari cum proprietate , sive redire ad proprietarium ; neque enim talis Professus in particulari quidquam possidere potest , utpote voto solemnii paupertatis ligatus ; nec ipsa Religio , utpote ex suo Instituto incapax ; nec ad hæredes per se transire potest ; ergo necessario ad dominum proprietatis revertitur.

89. *Dico.* Non consolidatur. *Prob.* 1º. ex Auth. *Ingressi. C. de SS. Eccles.* ubi ingressi monasteria se suaque dèdicant Deo. Item juxta hanc indiscri-

minatim dicuntur sua jura transferre in monasterium ; igitur etiam unusfructum. 2º. Ex Auth. Si qua mulier . ubi si qua mulier , aut vir , liberis non extantibus , monasticam vitam elegerit , et monasterium intraverit , monasterio , quod intravit , res ejus competere jubemus ; ubi Glossa specia- liter addit : res omnes , etiam unusfructum. Adde Can. 7. quia ingredientibus . Caus. 19. Q. 3. Et ratio est , quod monasterium fiat una civiliter persona cum profitente ; ergo sicut hic ante , sic cum monasterio post professionem possidet unusfructum , non cessione juris , sed identitate personæ , Conf. ab Auctoritate , quod communissima hæc sit auctorum sententia ; etsi quidam in eo solum discrepant , quod putent non jus , sed commoditatem solam percipiendi fructus devenire ad monasterium. Sed immerito ; nam Auth. cit. non de commoditate loquitur , sed de ipsis rebus ; quo nomine etiam jura veniunt ; item sua transferre dicuntur , id est bona et jura.

90. *Obj.* 1. Unusfructus est jus personæ cohærens ; ergo maneret penes professum : atqui hoc non ; nam professus nihil habere proprium potest.

R. D. Seq. Maneret penes professum , ut est persona separata et particu- laris N. Ut est conjuncta et civiliter una cum monasterio C. Sic D. min. ad prob. similiter D. Nihil potest habere proprium , ut est persona particu- laris C. Ut est persona una cum monasterio N.

Inst. 1. Professus est civiliter mortuus ; nam professio est quædam mors , Can. Placuit. 8. Caus. 16. Q. 1.; ergo nihil plane potest habere proprium ut persona conjuncta.

R. D. Ant. Est civiliter mortuus quoad aliquos effectus juris , ut ad pos- sidendum seorsim , sibi soli , et alios de quibus alibi C. Quoad omnes , etiam ad possidendum conjunctum N. Deinde professio est mors civilis respectu professi , non respectu monasterii ; hoc autem licet in odiosis habeatur pro mortuo ; non tamen in favorilibus , ut in jure succedendi , etc. L. 56. §. 1. C. de Episcop. et Cler. Potest vero conjunctum possidere cum monasterio , non seorsim , quia possidens conjunctum non potest disponere pro suo libitu ; posset vero , si seorsim possideret ; at hæc dispositio inde- pendens pugnat cum voto paupertatis.

Inst. 2. Si professus conjunctum cum monasterio possideret , hoc esset unusfructarius : atqui hoc dici nequit. Prob. min. Si monasterium esset unusfructarius ; ergo unusfructus esset translatus ; quia monasterium ante non erat unusfructarius , est autem post professionem : sed unusfructus , cum personæ inhæreat , transferri non potest , §. finit 3. Inst. de Usufr.

R. C. Seq. maj. N. min. Ad prob. N. maj. Nam unusfructus non transfe- tur , sed extenditur ad monasterium , ita ut , quod professus ante profes- sionem possidebat solus , post eam possideat in communi cum cæteris. Exemplum habes in unusfructu legato filii Caii natis et nascituris , ubi unusfructus ad filios post legationem natos non transfertur , sed extenditur. Hinc rationem additam D. Monasterium est unusfructarius post professionem per translationem ipsius unusfructus N. per extensionem C. Transfertur unusfructus , quando ceditur personæ alteri , alienæ , quæ nullam habet identitatem cum persona cedente ; at inter professum et monasterium est perfecta identitas ; nec monasterium est persona moraliter distincta a pro- fesso , sed cadem.

*Inst. 3.* Si ususfructus extendatur ad monasterium; ergo, sicut hoc non moritur, sic ususfructus nunquam finiretur: at hoc esset iniquum, cum hac ratione domino proprietas sua esset plane sterilis.

*R. N. Seq. maj.* Non extenditur ultra vitam professi; quia professi morte exspirat extensionis radix; ergo et extensio ususfructus. Si tamen monasterium non indirecē ob jus professi; sed directe, ut legatione usumfructum acciperet, durabit 100. annis, *L. 8. ff. de Usu et usufr.*; hoc enim tempus censem̄ esse vitae humanae maximum.

*91. Obj. II.* Saltem ususfructus legalis, ut, quem pater habet in bona adventitia filii, non extenditur ad monasterium; ergo. *Prob. Ant.* Ususfructus legalis fundatur in patria potestate; ergo hac cessante etiam cessat ille: atqui cessat patria potestas per professionem.

*R. N. A. Ad prob. D. A.* Fundatur in patria potestate in acquirendo *C.* in continuando *N.*, *D. etiam Seq.* Ergo hac cessante cessat quoad bona filii acquisita post professionem patris *C.* Quoad ea in quibus patri jam fuit jus quæsitum *N.* Ex *Auth. Ingressi. cit.* et *Auth. Si qua mulier.* professus, sine exceptione, sitne pater, vel filius, vel quicunque se suaque omnia dedicat Deo, transfert in monasterium; ergo etiam pater usumfructum legalem; cū enim lex hoc jus ei neque adimat, neque excipiat; nec privati est hoc patri in Religione profitenti adimere. Addo: si filius proficeretur, etiam cessaret patria potestas; et tamen ususfructus totus maneret penes patrem, ut vult communissima, et dicetur infra; cur ergo in casu nostro ita annexatur patriæ potestati, ut ea cessante finiatur? Deinde *D. etiam min. subs.* Per professionem cessat patria potestas quoad odiosa, sic non tenetur amplius habere curam filii *C.* Quoad favorabilia, et in quibus jam patri est jus quæsum *N.*

*Inst. 1.* Non est consentaneum æquitati, ut post professionem patris filii suæ legitimæ portiones non dentur; ergo pariter repugnat æquitati, ut filii post professionem patris patria potestate liberati careant libero bonorum adventitiorum usu.

*R. 1º. C. A. N. Cons.* In priore casu æquitas appetit ex *c. Cum scimus de Regularib. et ex Auth. Si qua mulier.* ubi satis innuitur, patrem professum, etiam invito monasterio, posse dividere et tradere filii portiones legitimas. Deinde cum filii alimenta debeantur a patre, nimis durum foret ea exigere a monasterio, toto quo vivit pater tempore. At nec eadem jura, nec ratio pugnat contra usumfructum patris in bona adventitia filii; sed contrarium liquet ex *Auth. cit.*

*R. 2º.* Magis æquitati repugnat, patrem privari usufructu sine causa, in quo ipsi jus quæsitum, cum filius plus debeat patri, quam pater filio.

*Inst. 2.* Ususfructus datur patri a lege propter administrationem: atqui professus non potest amplius administrare bona filii; ergo nec usumfructum habere debet.

*R. D. min.* Non potest ea amplius administrare per se ipsum *C.* per alios, ut Officiales monasterii *N.* Sicut in seculo posset pater illa administrare per alios, ita etiam in monasterio per monasterium, quod forte majorem adhibebit custodiam. Addo: si pater in amentiam incideret, non amitteret

iiusumfructum, licet administrare bona filii non posset; cur ergo amitteret, si profiteretur in Religione?

*Inst. 3.* Saltem ex lege medietas ususfructus pertinet ad filium, patre professionem emitente; ergo. *Prob. Ant.* Pater retinet medietatem ususfructus, quando dimittit filium e potestate patria: atqui ea illum dimittit per professionem.

*R. N. Ant. Ad prob. D. Maj.* Quando pater suo facto dimittit filium *C.* Quando tantum beneficio legis, intuitu professionis a patre factæ *N.* De priore casu id diserte dispositus Imperator *L. 6. §. Cum autem. C. de bonis, quæ liber.* De posteriore vero contrarium *Authh. citt.*

*92. Obj. III.* Minutus capite non est capax ususfructus: sed professio religiosa est minutio capitis; est enim mutatio status; ergo. *Conf.* Professus æquiparatur servo: sed hic ususfructus incapax est; ergo et prior.

*R. D. Maj.* Minutus capite diminutione maxima, vel media *C.* minima *N.* Sic *D. min.* Est diminutio media vel maxima *N.* minima *C.* Tantum media et maxima diminutio capitis tollit ea, quæ juris civilis sunt, non minima, vel simplex status mutatio; unde et penes arrogatum manet ususfructus, licet arrogatori cedat quoad commodum ratione patriæ potestatis, *L. penult. §. fin. C. de Usufr.* Sic professus, minimam tantum passus diminutionem capitis, manet jurium civilium particeps, non quidem omnium, ut condendi testamenti et similium, quæ ejus votis adversantur; tamen aliorum, ut succedendi legitime, possidendi conjunctum cum monasterio, etc.

*Ad Conf. R. D. Aequiparatur servo in acquirendo jus novum sibi *C.* in omnibus *N.* Religiosus per professionem non amittit libertatem in sensu juris, ita ut vere reddatur servus; quod enim nihil proprii possidere possit, ex voti est natura; quod testari nequeat, inde est, quod voluntatem suam in Superioris resignarit voluntatem, sicut et arrogatus, qui filiusfamilias factus. Multa non potest filiusfamilias prohibente patre, et lege; homo tamen liber est. Sed præterea jactata illa a quibusdam similitudo in plurimis dissimillima est. Sic servus, ne quidem consentiente domino, obire potest munera publica et judicialia, cum dominus consensu suo juri publico derogare non possit, *L. Barbarius ff. de Offic. Prætor. L. 7. ff. de Testib.* Potest vero Religiosus, ex consensu Prælati, esse procurator in judicio, *Clem. 3. de Procur.*, advocatus; imo judex, videlicet Episcopus, vel hujus Vicarius, BARBOS. de Offic. Episc. Potest accusare Abbatem, etiam Monasterii sumptibus, *c. 11. de Accus.* Non autem servus dominum, *L. penult. et fin. C. de his, qui accusare non possunt.* Hic nulla ratione habere quid proprium potest; Religiosus, licet non ut persona particularis, tamen, jure identitatis, cum toto monasterio possidet.*

Quod si quæras: Si igitur filius profiteatur in Religione, habens bona adventitia, penes quem tunc erit ususfructus?

R. Penes patrem, licet in seculo remanentem; quia hoc factum filii, etsi laudabile sit, non tamen præjudicare potest juri patris, huic pridem ante per leges acquisito. Sicut igitur remanet ususfructus patri, etsi filius sit mortuus, ita et licet sit professus; casum enim professionis nulla exceptit lex.

Nec obstat, quod filius familias, quando favore Reipublicæ aut militiæ

ob dignitatem, vel cingulum liberatur a potestate patris, acquirat plenum sui peculii dominium; nam hoc expresse statuit Imperator Nov. 81. cap. I. in præmium obtentæ dignitat̄, obque laudem et letitiam inde patri natam, qua compensatur amissio ususfructus.

## CAPUT II.

## DE FEUDO, EMPHYTEUSI, SUPERFICIE, LIBELLO.

Feuda probabilius a Longobardis, quo tempore Italiam possidebant, originem traxerunt; in ipsis enim Feudorum Libris frequens Longobardorum, eorumque legum occurrit mentio. In jure canonico ea materia duobus solum tractatur capitulis *hoc tit.* At longius in jure civili in *Libris Feudorum*. Ob utilitatem vero ejus, saltem principaliora delibabimus. Addimus Emphyteusin, quæ Feudum aliqua ratione imitatur; demum de Superficie pauca, utpote dominii imperfecti specie minima.

## ARTICULUS I.

## QUID ET QUOTUPLEX SIT FEUDUM? QUINAM IN FEUDUM DARE, ET ACCIPERE POSSINT?

Feudum triplici sensu sumi potest; 1º. *objective*, estque ipsa res in feudum concessa, quo sensu *allodio*, sive bonis allodialibus opponitur. 2º. *Formaliter*, sive pro contractu, quo res aliqua in feudum conceditur. Qui feendum concedit, *dominus*, item *dominus directus* appellatur; qui vero accipit, *vasillus, feudarius*. 3º. *Effective*, id est, pro jure, quod ex contractu feudal tam domino directo, quam vasallo, sive domino utili oritur. Hoc præsentim sensu hic feendum spectamus, tametsi, quocumque modo spectetur, sive formaliter, sive effective, eadem jura interveniant.

93. *Dico I.* Feendum, secundum substantiam suam sumptum, est dominium utile rei immobilis, vel immobili æquivalentis, sub onere fidelitatis concessum. Sumitur ex 2. *Feud.* 1. 3. §. 3. item *Tit.* 23. *in fin.*

Dictum 1º. Feendum secundum *substantiam suam*; sumi enim potest, vel secundum *substantialia sua*, sive *essentialia tantum*, vel *simul naturalia*. *Substantialia* sunt, sine quibus feendum nequit consistere; eo autem pertinet, quod dominium utile, retento dominio directo et proprietatis, transferatur in alterum, isque sit obligatus ad præstandam fidelitatem domino directo. *Naturalia* sunt: ut feendum concedatur *benevole* et gratis, ad *hæredes*, ac quidem masculos, sub nova investitura, et inalienabiliter, sine domini directi consensu, perpetuo transeat: ut vasillus sit obligatus ad certa personalia obsequia, ac jurato spondeatur fidelitas. Unde feendum secundum *naturalia* definitur: *benevola* ac *perpetua* concessio rei immobilis, vel huic æquivalentis, qua illius dominium utile, retento directo,

transfertur in alterum sub onere certi personalis obsequii et juratae fidelitatis.

Dictum 2º. Rei immobilis, vel huic æquivalentis, id est, moraliter immobilis, vel civiliter, ut sunt jura perpetua venandi, etc.; redditus annui de Camera, vel Cavena percipiendi; item alii proventus ex re immobilis. Unde dum 23. *Feud.* 2. videtur supponi, nummos in feendum dari, non intelliguntur nummi materialiter, sed res immobilis per nummos emenda. Ac ratio est, quod, cum feendum sic constitui debeat, ut proprietas rei remaneat penes concedentem, ac dominium utile iterum consolidari aliquando cum proprietate possit, consequens, non posse feendum nisi in re immobilis consistere, cum mobilis, præsertim fungibilis, plerumque usu consumatur.

Dictum 3º. *Sub onere fidelitatis*, adeo ut hæc simpliciter remitti nequeat; etsi juramentum, quo vasallus se ad eam adstringit, remitti possit. Hinc, dum *Tit.* 3. §. 1. *in fin.* *Feud.* 2. statui videtur, posse remitti obligationem fidelitatis, id de *jurata*, sive de ipso juramento debet intelligi. Consistit vero hæc fidelitas in his, quod nihil contra dominum machinari velit; sed eum consilio et re adjuvare contra omnes, in jure non exceptos, qui contra ejus vel vitam, vel bona quid moliuntur, ut proinde passim vocem *feendum a fide latine*, vel *fede italicice* derivent.

94. *Dico II.* Fendum primo ac principaliter dividitur in *proprium* sive *rectum*, ac *improprium* sive *non rectum*. Prius est, in quo non sola substantialia et essentialia, sed etiam omnia naturalia reperiuntur. Alterum est, in quo vel *essentialia sola*, vel non cum omnibus naturalibus reperiuntur. Unde feudi imperfecti species sunt: 1º. *Femineum*, quod vel femina acquisivit primo; vel in quo succedit femina; est enim contra feudi naturam, ut in eo succedat femina, quod originaliter solerent feuda concedi partim ad propagandas familias, partim gesta militaria, ad dominum consilio, re, armis juvandum. 2º. *Hæreditarium*, quod ea lege datur, ut etiam hæredes extra familiam primi acquirentis valeant in eo succedere, imo feminæ, licet ex providentia juris feudalism factum, ut non nisi agnati masculi admittantur. 3º. *Liberum*, sive *francum*, in quo vasallus non ad personalia obsequia, sed solum ad fidelitatem obligatur. 4º. *Cameræ*, vel *Cavenæ*; prius est certum stipendum vasallo ex arario a domino concessum; alterum in certa virtualium quantitate consistit præbenda a domino. Varia alia hoc obtinet nomina. Si enim redditus concedantur gratis, sine alicuius officii onere, dicitur feendum *Soldatæ*; si sub hoc onere, ut custodiendi arcem, *Guardiæ*; si gerendi alia negotia, *Castaldiæ* appellatur, sive mercedis; hujusque rursum species sunt feendum *Advocatiæ*, *Decaniæ*, *Aulicum*, sive officii publici cujuscunq;.

95. *Dico III.* Feendum proprium, sive rectum varie subdivitur. Ac quidem 1º. *Ratione domini concedentis*, in *nobile* et *ignobile*. Nobile est, quod eum, cui confertur, vel hoc ipso simul nobilem facit, vel confertur jus, quod in subjecto nobilitatem supponit. Ignobile, quod accipienti nobilitatem non confert; unde et feendum commune appellatur. Nobile vel est regale, vel non regale. *Regale*, quod cum potestate quadam regali confertur, aut potestatis regiæ emula, id est, cum jurisdictione territoriali, juribus regalium,